



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1858**

2540. Vertrag des Kurfürsten Joachim mit dem Erzbischofe Albrecht über  
verschiedene Streitigkeiten, die Fischerei in der alten Elbe und Hebungen  
der Aemter Plaue und Tangermünde in Magdeburgischen ...

---

---

**Nutzungsbedingungen**

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

2540. Vertrag des Kurfürsten Joachim mit dem Erzbischofe Albrecht über verschiedene Streitigkeiten, die Fischerei in der alten Elbe und Gehungen der Aemter Plane und Tangermünde in Magdeburgischen Dörfern betreffend, vom 26. Mai 1533.

Von gots gnaden Wir Albrecht, der heiligen Romischen kirchen des tittels Sancti petri ad vincula priester, Cardinal vnd Legatus natus, Ertzbischof zw Magdeburgk vnd Mentz etc., vnnnd wir Joachim, Marggraue zw Brandenburgk, des heiligen Romischen Reichs Ertzcamerer vnd Churfurst etc., Bekennen offentlich an dieselsem briue vor vns, vnser nachkommen, erben vnd Capittel zw Magdeburgk, auch alle die Jenen, so dieselse nochvolgenden sachen vnd artickel mit belangen mögen ader die doran Interesse zw haben vormeinen. Nachdem sich allerley Irrungen zewischen vns vnnnd beyderseite vnser vnderthanen gehalten, das dieselbigen vf dem tage zu Fischbecke, so dinstages noch vocem Jocunditatis dofelbst gehalten, durch vnser lunderliche dorzw vorordente, die Erwürdigen vnd hochgeborn hern Georgen, fursten zw Anhalt etc., Thumprobt zw Magdeburg, Ern Johann von Meyendorf, Ern Johann von Walwitz, Thumhern zw Magdeburg, heinrichen Ebirhusen, doctor, vnd heinrich von krosick, vnser Albrechts Cardinals vnd Ertzbischoues etc., Vnnnd herren Georgen, Bischoen zw Lubus vnd Ratzenburgk, Er Gebhart von Jagow, Ritter, heubtman in der Aldenmarck, Boffe von Berthensleue, Er Wolfgang Redorffer, probst zw Stendal, vnd Conradus Meitsch, doctores, vnser Joachims, Marggrauen zw Brandenburg, Churfursten, teils Rethe, zcum teyle in der gute entscheiden vnd gentslich beygelegt vnd vortragen sein. Erstlich: Nachdem sich die Fischer zw Tangermunde beclagt, das ynen die von Redekin vf der alten Elbe an yrer fischerei hinderung thun solten, das auch Mauritz Redekyn etliche fischer gepfandet, yre knechte gefangen, denselbigen die netze genommen etc. Ist dieser Artickell doruf vortragen, wie auch die von Redekyn vnd sonderlich Mauritz bewilliget vnd angenommen, das derselbe Mauritz Redekyn dorvmb, das er den gefangen an dem orthe, do vns die oberkeit zwgleich zwftendigk, wegkgenommen vnd in seiner behawunge gefurth vnd gefencklich enthalten, Vnns Joachim, Churfursten zw Brandenburgk etc., vf vnser erfordern, doch so ferre vnd anders nicht, wo folcher forderung Innerhalb dem nechsten Jare noch dato dieses schieds geschied, mit eynen pferde ein Monat frist vf vnser futter vnd mahl an orthern, do wir sein vordern dienen, vns auch berurte seyne obertretunge, wan wir gegen Tangermunde kommen werden, abebitten soll. Vnd nachdem er itzo fur sich vnd seyne vnderthanen wegen den gefangen vnd seynen burgen aller gelubde vnd einforderunge mit hand vnd mundt losgefaget, Ist das holtz, so die fischer seynen lewthen genommen haben sollen, Auch widervmb was er bey sich hat, das den fischern zwftendigk sein magk, gegen einander vfgehoben vnd sollen sich hinforder die Redekyn der fischerey in der Alten Elben gentslich enthalden, Sonst mogen sie sich derselbigen Im Schulzen kolcke

vf des Stifts grund vnd boden, wann die Elbe bynnen borts gehet adir aufsfleußt, In  
 allermassen wie vor alders, gebrauchten, doch das es mit keynem Clebenetze geschehe.  
 Wan aber die Elbe bynnen borts gehet, sollen sich die fischer desselbigen kolcks genz-  
 lich enthalten. Forder der zwgriffe halben, so oftmal vff der heyden geschehen vnd  
 die theter sich mit der nahme nach der Marck gewant, damit dergleichen beschedigung  
 armer lewte hinforder verlut vnd die theter zw geburlicher straffe bracht werden mo-  
 gen, haben wir vns voreyniget vnd bewilliget, Bewilligen vnd nachlassen auch hiernitt  
 in craft dieses briues, wan sich dergleichen zwgriff hinforder meher zwtragen worden,  
 das vnser ydes Amptlewte, befehlhaber vnd vnderthanen in des andern Stiften, fur-  
 stenthumb vnd oberkeit vff frischem flage vnd fusse, so bald man des bericht wirdet,  
 vngehindert nachjagen vnd volgen vnd den thetern yres hochsten vermogens nach-  
 trachten vnd fleißigen sollen vnd mogen, sie zw haften zw brengen ader die nahme  
 abezwjagen, doch mit der masse, das die teter ader yre habe ader guter, wes der be-  
 kommen, nicht aufs den Stiften adder furstenthumb gebracht ader gefuhrt, Sunder damit  
 zw den gerichtten, in den ein ydes betroffen, gehalten vnd gewendet, do yne auch alles  
 geburlichen rechtens gefat vnd vorhulffen fall werden. Nachdem auch Asmus von  
 Saldern, Amptman zw plauen, von der hunicken vnd diricken lewten vnd gu-  
 tern zw Nitzaen, Im Ertztift gelegen, hufen schotz gefordert, den sie auch vier Jar  
 haben geben müssen, Sollen sie vnd yre gutere, so Magdeburgisch seindt, hinforder do-  
 mit nicht beschweret, Sonder mit der Stewer an das Stift Magdeburg geweißt werden.  
 Nochdem auch vom Castener zw Tangermunde von den beyden dorffern Linthorff  
 vnd Meissenbergk Jerlich etlichen hafern, als von Linthorff funf wispell vnd von  
 Meissenbergk zwey wispel, mit newerung, wie wir Albrecht, Ertzbischof etc., aus  
 vnserm Ampt wolmirstedt bericht, gefordertt, wollen wir vns erkunden, vnd wu be-  
 funden, das derselbige haffer ober vorwerthe Zceit also in das Ampt Tangermunde  
 aufs pflicht gegeben, wollen wirs auch do bey bleiben lassen. Wu aber befunden, das  
 solchs mit newerunge vnd vngrunde vorgenommen, sollen sie ferner damit auch vnbe-  
 schweret bleiben. Ferner haben wir vns auch zw notdurft beyderseits vnser vndertha-  
 nen voreyniget vnd vorgleichen, das wir bedirfts vnser Rethe allezeit ober das an-  
 der Jar zwzwischen dem Leipzicchen ostermarkte vnd pfingsten alhier dieser orte zw-  
 sammen vorordenen wollen, allerley gebrechen, die sich zwzwischen vns vnd vnsern vn-  
 derthanen zwtragen werden ader mogen, In besichtigung, vorhore vnd handelung zw  
 nemen vnd denselbigen in der gute abezwhelffen. Welchs alles, wie obstehet, wir also  
 bewilliget vnd angenommen vnd zw steter vnd vester haltunge vnser Ingesiegele wi-  
 sentlich an diesen brieff haben hengen lassen, Der gegeben ist zw Vischbecke, am  
 montage nach Exaudi, Noch Cristi geburt XV<sup>c</sup> vnd im XXXIIIten Jare.

Nach dem Manuale des Magdeb. Domcapittels I, 239.